



**Réponse commune de Monsieur le ministre de l'Économie, Franz Fayot, de Monsieur le ministre des Classes moyennes, Lex Delles, et de Madame la ministre de la Justice, Sam Tanson, à la question parlementaire n°5507 du 17 janvier 2022 de Monsieur le Député André Bauler au sujet des faillites dans le secteur de la construction**

**Ad 1°**

Am Joer 2021 goufen et bedeitend méi Betriber am Bausecteur wéi déi Jore virdrun an d'Gesamtzuel vun den Insolvenzen ass deementspreechend och geklommen. Wann een d'Zuel vun dese sektoriellen Insolvenze mat der Unzuel vu Betriber aus dem Secteur vergläicht, da stellt ee fest, dass den Undeel vu Faillitten am Secteur stabel bliwwen ass.

Joer	2018	2019	2020	2021
Betriber am Bausecteur <sup>1</sup>	3.748	3.897	4.036	4.430
Insolvenzen am Bausecteur <sup>2</sup>	114	150	111	126
% vun den Insolvenzen	3,0 %	3,8 %	2,8 %	2,8 %

Obwuel de Bausecteur ufanks 2020 fir fënnf Wochen duerch de Lockdown impaktéiert war, huet sech d'Handwierk während der gesamter Pandemie-Kris als relativ resilient erweisen. Just vereenzelt Betriber si Pandemie-bedéngt an d'Laberente geroden ; dëst war awer haaptsächlech duerch Ausfäll beim Personal bedéngt a manner duerch e Manktem un Aarbecht. D'Pandemie hat deemno kee substantiellen Impakt op d'Unzuel vun de Faillitten am Bausecteur. D'Grënn vun de Faillitte sinn dofir och gréisstendeels déi selwecht wéi dat scho virun der Covid-Kris de Fall war an den Haaptgrond vun den Insolvenze bleift dee vun enger schlechter Gestiou.

Zousätzlech kann een erwänen dass d' Faillitte vum Geriicht prononcéiert ginn, wann déi folgend Konditiounen erfëllt sinn: d'cessation des paiements an den ébranlement du crédit. Et gëtt also keen Ënnerscheid an och keng Statistike gemaach tëschen den Ursachen déi dozou gefouert hunn dat dës Konditiounen erfëllt sinn.

<sup>1</sup> Source : Chambre des Métiers

<sup>2</sup> Source : STATEC

## Ad 2°

Et ass richteg, dass d'Pandemie zu eenzele Penurien u Baumaterial gefouert an d'Präisentwécklung och zum Deel impaktéiert huet. Dës punktuell Penurien hunn awer héchstens zu engem marginalen Deel zu den Insolvenze bäigesteiert.

## Ad. 3

Wéi de Conseil de la concurrence et op Nofro hin bestätegt léisst d'Entwécklung vun der Gesamtzuel un Entreprises am Bausecteur net erkennen dat d'Konkurrenzsituatioun sech verschlechtert hätt.

Et ass och keng aussergewöhnlech Hausse un Faillitten am Secteur ze erkennen déi kéint op spezifesch Konkurrenzproblemer hiweisen.

Konzentratiounen téscht Entreprises, dëst a Form vu Fusiounen an Acquisitiounen, kënnen och d'Verschwanne vu verschiddene Betriber erklären. Hei gi Firmen zesummen, déi virdrun onofhängeg vun enee operéiert hunn, méiglecherweis souguer Konkurrente waren. An dësem Fall ass de méiglechen Impakt op d'Konkurrenzsituatioun méi direkt ewéi bei Faillitten.

De Wirtschaftsministère evaluéiert de Moment an enker Zesummenaarbecht mam Conseil de la concurrence d'Méiglechkeet fir en Mechanismus vum Kontroll vun de Konzentratioune bei de Betriber am nationale Recht anzeféieren. An deem Kontext gouf den 20 Januar 2022 eng öffentlech Consultatioun lancéiert zu der Méiglechkeet an de Modalitéite fir en Kontroll vun de Konzentratiounen :

([https://gouvernement.lu/fr/actualites/toutes\\_actualites/communiques/2022/01-janvier/20-consultation-publique.html](https://gouvernement.lu/fr/actualites/toutes_actualites/communiques/2022/01-janvier/20-consultation-publique.html)).

Dës Consultatioun leeft nach bis Enn Mäerz an erméiglecht allen intresséierte Partien hiren Avis zu esou engem Kontrollmechanismus ofzeginn. Esou eng Kontroll vun de Konzentratioune géif et an Zukunft erlaben d'Unzuel an Ausmooss vun de Fusiounen an de verschiddene Secteure méi no ze suivéieren, och wat hiren Impakt op de Marché ugeet.

Luxembourg, le 22 février 2022

Le Ministre de l'Économie

(s.) Franz Fayot